

KANTONALNA
PRIVREDNA
KOMORA TUZLA,
BROJ 4
APRIL
2013. GODINE



KOMORSKI INFORMATOR



ODRŽANA RASPRAVA O
NACRTU PREPORUKE ZA
UPISNU POLITIKU



„ULOGA VLASTI U
STVARANJU PO-
SLOVNOG AMBIJENTA“



NOVE AVIONSKE LINIJE
SA TUZLANSKOG
AERODROMA



PRIVREDA TK NA
SAJMOVIMA

KOMORSKI INFORMATOR broj 3 - mart 2013.

KANTONALNA PRIVREDNA KOMORA TUZLA

Izdavački savjet:

1. Nedret Kikanović, predsjednik
2. Mirsad Kukić, član
3. Bajazit Jašarević, član
4. Suad Selimović, član
5. Nurdin Žunić, član

Redakcijski kolegij:

1. Jorgovan Begić, predsjednik
2. Nedret Kikanović, član
3. Esad Arnautović, član
4. Nurudin Žunić, član
5. Suad Selimović, član

Izdavač:

Kantonalna privredna komora Tuzla

Gl i odgovorni urednik:

Dino Kalesić, dipl. žurnalista

Tehnička priprema, repro i štampa

C.P.A. Tojšići- Kalesija

Za štampariju:

Vildan Uščuplić - generalni direktor

Tiraž:

500 primjeraka,

Adresa:

Trg slobode bb

e-mail:komora@kpkt.ba

http://www.kpktz.ba

Ministarstvo obrazovanja, nauke, kulture i sporta na osnovu Člana 19. tačka 13. stav 2. Zakona o porezu na promet proizvoda i usluga ("Sl. novine Federacije Bosne i Hercegovine", broj: 6/95 i 25/97), rješavajući o zahtjevu Kantonalne privredne komore Tuzla broj: 10/15-4481/99. od 30.04.1999. godine, dalo je mišljenje o oslobađanju poreza na promet glasila "Komorski informator".

Poštovani čitaoci!

Iza nas je još jedan mjesec ispunjen brojnim aktivnostima. Vrlo živ period koji prilično dugo traje, reklo bi se već nekoliko godina, što u ranijim periodima i nije bilo slučaj, u Komori se i oko Komore, dešava puno toga a većinu toga zabilježi i čuva u arhivi Komorski informator. Redovne sjednice odbora komorskih udruženja, svaki mjesec, okupljanja privrednika po resorima, rasprave o aktuelnim problematikama, traženje rješenja za prevazilaženje teškog stanja, prijedlozi za unaprijeđenje i razvoj i djelatnosti i privrede u cjelini i Tuzlanskog kantona kao regije. Bilježimo i nekoliko sasatanka sa aktivnim učešćem predstavnika Vlade Tuzlanskog kantona i u Komori ali i u kontaktima sa privrednicima. S tim u vezi, zanimljivo će biti saznanje o tome kakva je ove godine sudbina primjedbi i prijedloga koje je Stručna sužba Komore uputila na Nacrt Preporuka za obrazovnu upisnu politiku na području TK. Podržan je ovaj dokument koji je izradilo Ministarstvo obrazovanja, nauke, kulture i sporta Tuzlanskog kantona, obavljena rasprava, evidentirani i prihvaćeni prijedlozi. Čeka se konačan rasplet oko ovog Dokumenta, kako bi se vidjelo da li će konačno doći do usaglašavanja potreba tržišta rada i školovanja kadrova na području Tuzlanskog kantona, reklo bi se, i cijele Bosne i Hercegovine. Nedavno je Udruženje za energetiku, rudarstvo i industriju Kantonalne privredne komore Tuzla, organizovalo sjednicu Odbora u proširenom sazivu. Kvalitetno organizovan i izuzetno dobro posjećen skup, ponudio je niz veoma značajnih opservacija vezanih za Plan investicija u rudnicima uglja na području Tuzlanskog kantona. O tome smo izvještavali a u ovom broju komorske novine donosimo zaključke, kao epilog sastanka. U Gračanici su se okupili poslodavci i razgovarali sa predstavnicima Vlade TK i svojim načelnikom. Iznaseni su problemi, navedeno šta je do sada učinjeno, precizirano šta bi trebalo biti urađeno u narednom periodu i zaključeno da je dobro imati ovakve skupove, održavati žive kontakte, i organizovati ih više u narednom periodu. Privrednici su pozvani da budu aktivniji, da udruženi, zajedno sa vlastima stvaraju kvalitetniji poslovni ambijent. Zanimljiva je bila i sjednica Odbora Udruženja za energetiku, rudarstvo i industriju na temu „Rudarske štete i prijedlozi rješenja“. Međunarodni aerodrom Tuzla, nadamo se, očekuje bolje dane, bilježimo neke nove struje. Otvorene su nove avionske linije sa tuzlanskog aerodroma pa će od maja i juna putnici iz Tuzle moći letjeti za Malme i Basel. Raduje činjenica, čak je u sferi nevjerovatnog ako analiziramo kompletnu privrednu situaciju u zemlji, odnos prema komorskom sistemu, da se povećava broj članica Kantonalne privredne komore Tuzla. U posljednjih mjesec zabilježeno je učlanjenje devet privrednih subjekata. Neke smo predstavili u prošlom, neke ćemo u narednima, a u ovom broju Komorskog informatora su predstavljeni "Montingenergetika" doo Tuzla i turistička agencija "Relax Tours" Sarajevo, PJ Tuzla. Ne može Komora Tuzla niti Privreda TK bez sajмова. Na mostarskom sajmu gospodarstva predstavnik Privrede TK bila je TA "Golden Tours" Tuzla a zajedničke postavke Privrede TK komora je organizovala na 3. sajmu organskih proizvođača "Eko-etno BiH" u Gradačcu, sajmu turizma i gastrokulture u Bijeljini i na Međunarodnom sajmu poduzetništva i obrta, "Grapos-expo 2013" u Gračanici. Predstavnici Komore, iz Francuske donose zanimljivu priču iz poljoprivrede...



Dino Kalesić
gl. i odg. urednik

SADRŽAJ:

	ODRŽANA RASPRAVA O NACRTU PREPORUKE ZA UPISNU POLITIKU	5
	NEOPHODNA HITNA REAKCIJA NADLEŽNIH VLASTI	6
	„ULOGA VLASTI U STVARANJU POSLOVNOG AMBIJENTA“	7
	“RUDARSKE ŠTETE I PRIJEDLOZI RJEŠENJA”	8
	NOVE AVIONSKE LINIJE SA TUZLANSKOG AERODROMA	9
	NOVA ČLANICA KOMORE: “MONTINGENERGETIKA” TUZLA	10
	NOVA ČLANICA KOMORE: “RELAX TOURS” PJ TUZLA	12
	SAJAM “EKO ETNO” BIH U GRADAČCU	13
	16. MEĐUNARODNI SAJAM GOSPODARSTVA	14
	SAJAM TURIZMA BIJELJINA	15
	“GRAPOS-EXPO 2013” GRAČANICA	15

CPA d.o.o. - vodeći proizvođač komercijalne ambalaže u BiH



www.cpa.ba

mail: info@cpa.ba tel: +387 35 635 095



GRAFIČKA PRIPREMA



SAVREMENA TEHNOLOŠKA I INFORMACIONA DOSTIGNUĆA



OFFSET ŠTAMPA



PROIZVODNJA REGISTRATORA

Ambalaža za automobilsku industriju


Ambalaža za prehrambenu industriju

Ambalaža za konditorsku industriju

Ambalaža za farmaceutsku industriju

Ambalaža za kozmetičku industriju

Ambalaža za duhansku industriju





Upisna politika i potrebe tržišta rada...

ODRŽANA RASPRAVA O NACRTU PREPORUKE ZA UPISNU POLITIKU

- Stručna služba Komore podržala dokument i uputila Prilog na Nacrt Preporuka za obrazovnu upisnu politiku na području TK -



U cilju usklađivanja potreba tržišta rada i upisne politike u srednjem i visokoškolskom obrazovanju u Tuzlanskom kantonu u Kantonalnoj privrednoj komori Tuzla održana je rasprava. Dokument, čiju je izradu iniciralo Ministarstvo obrazovanja, nauke, kulture i sporta TK zainteresovanim privrednicima sa područja ukratko su predstavili savjetnici premijera Tuzlanskog kantona, Jasna Hivziefendić i Mirsad Bakalović. U raspravi koja je uslijedila učestvovali su predstavnici javnog ali i privatnog sektora privrede navodeći pojedinačne probleme sa kojima se susreću, između ostalog i, u ostvarivanju praktične nastave. Također je istaknuta potreba uspostavljanja saradnje univerziteta i privrede, racionalizacije mreže škola, ispitivanje interesa visokoškolskih ustanova za praktičnom nastavom u privrednim preduzećima. Ovom je prilikom također zaključeno da je neophodno uraditi upis u srednje škole i fakultete prema potrebama a ne finansirati ono za čim na tržištu rada ne postoji potražnja.

Komora uputila zaključke Ministarstvu

Stručna služba Kantonalne privredne komore Tuzla na osnovu Nacrta Preporuke kojeg je dostavilo Ministarstvo obrazovanja, nauke, kulture i sporta Tuzlanskog kantona, razmatrala je utvrđeni Nacrt Preporuke i na osnovu rasprave donijela odgovarajuće zaključke koji se predlažu da se ugrade u Nacrt Preporuke o obrazovnoj upisnoj politici Tuzlanskog kantona. Istaknuto je da Nacrt Preporuke može da posluži kao inicijalna osnova za izradu projekta o upisnoj politici u Tuzlanskom kantonu za period 2014-2018.godine. Navodi se da je radi što kvalitetnije procjene potreba za kadrovima u narednom periodu neophodno je uraditi analizu stanja u zadnje tri godine gdje bi se uporedili podaci o broju nezaposlenih, zaposlenih, upisanih i planiranih zapošljavanja po zanimanjima te na osnovu te analize odrediti upisnu politiku. Neophodno je uraditi Strategiju razvoja visokog i srednjeg obrazovanja u Tuzlanskom kantonu, koja će biti u skladu sa svim strateškim dokumentima Kantona, a prije svega sa stanjem razvoja industrije i poljoprivrede. Srednje obrazovanje treba uvesti kao obavezno, uz obaveznu reformu obrazovnih programa, uslova rada u školama, te promjenu odnosa teoretske i praktične nastave u korist praktične. Sadašnji program srednjeg obrazovanja nije prilagođen potrebama tržišta rada. Ulaskom Hrvatske u EU može se očekivati pozitivne efekte u pogledu

zapošljavanja naših nezaposlenih koji se vode kod Zavoda za zapošljavanje posebno zanimanja medicine, mašinske i elektro i građevinske struke. Odliv naših kadrova koje traže strana tržišta mogu se odraziti na naše potrebe u privredi zbog čega se nameće potreba da se upisna politika na Tuzlanskom kantonu i Federaciji BiH vodi u skladu sa potrebama tržišta rada u zemlji i da proces obrazovanja stalno prati savremene trendove u ovoj djelatnosti obzirom da je obrazovanje samo po sebi skupa investicija. Nesmijemo dozvoliti da obrazujemo kadrove za zapošljavanje u zemljama EU i zemljama okruženja. Programe uskladiti sa Evropskim standardima zemalja i obrazovanjem mladih posebno u oblasti procesne industrije, mašinske i elektro struke i informatike. Potrebno je smanjiti disproportciju između KV i NKV osoba, treba tražiti rješenja koja će rasteretiti Zavod za zapošljavanje, promijeniti upisnu politiku u srednje škole sa zanimanjima bez zaposlenja u perspektivi te, imajući u vidu značajna sredstva koja privreda TK izdvaja za obrazovanje, upisnu politiku usmjeriti u dva pravca:

- **Komora podržava i daje prioritet zanimanjima koja se obrazuju za privredu u prvom redu tehničko-tehnološka zanimanja, zanimanja mašinske, elektro i građevinske struke, zanimanja neophodna za privredu Tuzlanskog kantona.**
- **Upisnom politikom omogućiti upis studenata za tehnička i društvena zanimanja po dva osnova:**
 - a) **Upis po određenim kvotama uz odobrenje Vlade Tuzlanskog kantona i**
 - b) **Upis za vlastite potrebe – troškove snose studenti.**

Sagledavajući upisnu politiku za 2013/2014.godinu na određenim fakultetima i odsjecima treba sagledati da se uvede upisni moritorij odnosno redukciju upisa za određeno vrijeme, a naročito na fakultete i odsjeke gdje je zabilježen veliki broj nezaposlenih na Zavodu za zapošljavanje kao što su: **Edukacijsko-rehabilitacioni fakultet, Visoka poslovna škola, Fakultet za tjelesni odgoj i sport, Poslovna administracija, Filozofski fakultet - Odsjek: Bosanski jezik i književnost, Razredna nastava, Žurnalistika, Pedagogija i psihologija, Socijalni rad, zanimanje kriminalist, profesor turskog jezika, zatim Rudarsko-geološki fakultet - Odsjek: Geologije i Tehnološki fakultet – zanimanje hemijski inženjer.** Navedeni stavovi kao prilog ovom Nacrtu Preporuka baziraju se prije svega na sagledavanju ukupne materijalno-finansijske pozicije Tuzlanskog kantona u ovoj godini kao i projekciji budućeg budžetskog izdvajanja za obrazovanje na Tuzlanskom kantonu i potreba za kadrove u privrednim i vanprivrednim djelatnostima. Ovaj Kanton uz sadašnje stanje u privredi teško može podnijeti visoke troškove obrazovanja koji treba da bude u funkciji društveno-ekonomskog razvoja Tuzlanskog kantona. Obrazovanje se ne smije posmatrati kao prosta potrošnja, ono treba da doprinosi razvoju našeg društva u cjelini i zbog toga je važno dati značaj upisnoj politici kao jednom segmentu u okviru strategije razvoja Tuzlanskog kantona posebno imajući u vidu buduće reforme u srednjem i visokom obrazovnom sistemu.



Epilog značajnog skupa u Komori...

NEOPHODNA HITNA REAKCIJA NADLEŽNIH VLASTI

- Zaključci skupa na temu Plan investicija u rudnicima uglja na području Tuzlanskog kantona -



Nedavno je Udruženje za energetiku, rudarstvo i industriju Kantonalne privredne komore Tuzla, organizovalo sjednicu Odbora u proširenom sazivu. Kvalitetno organizovan i izuzetno dobro posjećen skup, ponudio je niz veoma značajnih opservacija vezanih za Plan investicija u rudnicima uglja na području Tuzlanskog kantona. Na ovu temu, priznati stručnjaci iz oblasti rudarstva, energetike i industrije kojima je bogat Tuzlanski kanton i zbog kojih i predstavlja najznačajniji region u Bosni i Hercegovini kada su u pitanju pomenute oblasti, iznijeli su na skupu zapažene i značajne analize strategije investicija u rudnike „Banovići“, „Đurđevik“ i „Kreka“, temelj razvoja i života uopće, Tuzlanskog kantona. Kao epilog stručnih rasprava, članovi Odbora Udruženja za energetiku, ru-

darstvo i industriju Kantonalne privredne komore Tuzla su, nakon analize svih opservacija, donijeli i određene, veoma značajne zaključke kada je u pitanju budućnost rudarenja i generalno energetike na ovim prostorima. Između ostalog, stav je članova Odbora, potrebno je da nadležne vlasti donesu „Strategiju razvoja energetike“, premda, postojeći Strateški plan i program razvoja energetskog sektora Federacije Bosne i Hercegovine, može biti polazna osnova. Neophodno je da nadležne vlasti okončaju započete procese na donošenju zakonodavstva za sektore energetike. Kada su u pitanju objave tendera, jedan je od zaključaka, potrebno je da rudnici u narednom prilikom objave tendera učine maksimalne napore da se tenderska dokumentacija, u što je moguće većoj mjeri, prilagodi domaćim firmama kako bi se stvorili realni uslovi da domaće firme učestvuju u tim tenderima, naravno, sve sukladno postojećoj zakonskoj regulativi. Nadležne vlasti bi trebale donijeti novi institucionalni, odnosno, zakonski okvir kod postupka javnih nabavki, u kojem će se znatno pojačati i podsticati preferencijal domaćeg. Na kraju, zaključak je Odbora ovog komorskog Udruženja, da se uputi dopis Vladi Tuzlanskog kantona u kojem se traži da se pod hitno organizuje sjednica Skupštine Tuzlanskog kantona na temu „Razvoja energetskog sektora na Tuzlanskom kantonu“.

D.K.

Sjednica Odbora Udruženja za trgovinu...

PODRŠKA VLADINOJ MEĐURESORNOJ GRUPI

- Razgovarano o načelima za organiziranje izleta, ekskurzija i logorovanja -

Članovi Odbora Udruženja za trgovinu, ugostiteljstvo i turizam Kantonalne privredne komore Tuzla na redovnom su sastanku razmatrali Informaciju o kapacitetima prehrambene industrije i zastupljenosti njenih proizvoda u trgovačkim objektima na području Tuzlanskog kantona u 2012. godini, te nepravilnosti u oblasti turističke djelatnosti na području Tuzlanskog kantona. Nakon rasprave i prijedloga po navedenoj problematici doneseni su zaključci koji su upućeni nadležnim ministarstvima i institucijama. Članovi Odbora Udruženja za trgovinu, ugostiteljstvo i turizam Kantonalne privredne komore Tuzla podržali su Informaciju o kapacitetima prehrambene industrije i zastupljenosti njenih proizvoda u trgovačkim objektima na području Tuzlanskog kantona u 2012. godini. Na sastanku je podržano formiranje Vlade međuresorne grupe. U ime Udruženja u ovu grupu delegiran je Kasim Selimović, predsjednik Odbora Udruženja. Ministarstvu za obrazovanje, nauku, kulturu i sport TK se upućuje zahtjev da razmotri mogućnost da se u dokumentu „Izmjene načela za organiziranje izleta, ekskurzija i logorovanja učenika

osnovnih i srednjih škola sa područja Tuzlanskog kantona“ u članu 1. napravi slijedeća dopuna: da se donese odluka po kojoj bi se ekskurzije za učenike osnovnih škola od 1 do 4 razreda realizovale samo na području Tuzlanskog kantona, a za učenike od 5 do završnog razreda, samo u granicama države Bosne i Hercegovine. Kantonalnoj upravi za inspekcijske poslove se upućuje apel da vrši provjeru obavljanja aktivnosti iz turističke djelatnosti onih subjekata koji nisu registrovani za obavljanje turističke djelatnosti a na osnovu posljednjih nepravilnosti uočenih na području općine Lučavac gdje i web portali organizuju turističkih putovanja. Članovi Odbora Udruženja za trgovinu, ugostiteljstvo i turizam Kantonalne privredne komore Tuzla izrazili podršku zaključcima sa sastanka Koordinacionog odbora udruženja Kantonalne privredne komore Tuzla na kojem se razmatrala „Informacija o položaju privrednih društava Tuzlanskog kantona u organima i tijelima VTK BiH“ koji je donio zaključak u formi preporuke za prestanak plaćanja članarine VTK/STK BiH u 2013.godini.

D.K.



Vlada i poslodavci...

„ULOGA VLASTI U STVARANJU POSLOVNOG AMBIJENTA“

- Poziv privrednicima da budu aktivniji, da udruženi, zajedno sa vlastima stvaraju kvalitetniji poslovni ambijent -



Premijer Tuzlanskog kantona Sead Čaušević i načelnik Općine Gračanica Nusret Helić, u saradnji sa Udruženjem poslodavaca Gračanica, upriličili su sastanak sa privrednicima sa područja ove općine. Razgovaralo se na temu „Uloga vlasti u stvaranju poslovnog ambijenta“. Faruk Širbegović predsjednik Udruženja, izrazio je zahvalnost predstavnicima općinske i kantonalne vlasti na spremnosti da razgovaraju sa privrednicima i pomognu im u rješavanju aktuelnih problema. Pozvao je i privrednika da se pokrenu, da budu aktivniji i da zajedničkim djelovanjima, udruženi, stvaraju kvalitetniji poslovni ambijent. Načelnik Nusret Helić je na sastanku govorio o aktivnostima u Općini Gračanica, o svemu što je do sada učinjeno i što se planira uraditi kako bi se unaprijedilo poslovno okruženje na području općine. Naglasio je kako se u ovoj općini prioritet daje privredi, kako je učinjen veliki pomak i iskorak u prilagođavanju općinske administracije potrebama privrede te da će u narednom periodu biti otvoreniji prema privredi i da će situacija biti još povoljnija za razvoj poduzetništva. Doneseni su ključni strateški dokumenti, skraćeni su postupci za izdavanje dozvola i drugih saglasnosti, omogućena dodatna rasterećenja kada su u pitanju rente i druge takse, uvedene nove informacione tehnologije, formiran centar za pružanje usluga građanima, izgrađeni ključni infrastrukturni objekti, utemeljen projekat sajma. Dodao je da ubuduće u kreiranje strateških dokumenata i nekih razvojnih projekata treba više uključiti privrednike i njihovo iskustvo, izdvojio je na ovom skupu načelnik Helić. Sead Čaušević premijer

Tuzlanskog kantona je predstavio strateške ciljeve Vlade TK. Govorio je i o poteškoćama u kojima se živi i radi, o veoma složenoj aktuelnoj situaciji na području kantona. Naglasio je na sastanku kako su evidentni veliki potencijali društva u cjelini ali da veliku kočnicu razvoju predstavlja komplikovana organizacija organa uprave. Dijana Bilanović ministrica za razvoj, obonovu i poduzetništvo TK je predstavila aktivnosti Ministarstva, sve šta je naslijeđeno iz prethodnog perioda, s kojim su se problemima susretali u početnim aktivnostima te kakvi su planovi za naredni period. Dodala je da je u toku priprema Programa javnih projekata u koje se očekuje uključivanje malih i srednjih privrednih subjekta. Jasni Hivziefendić, savjetnica premijera, govorila je o dokumentu Obrazovno upisne politike na području Tuzlanskog kantona o kojem će se uskoro organizovati rasprava u Kantonalnoj privrednoj komori Tuzla. Pozvala je savjetnica Hivziefendić poslodavce da se aktivnije uključe u ovu oblast kako bi direktno uticali na formiranje kvalitetnih kadrova za budućnost. Privrednici su iznijeli brojne probleme sa kojima se susreću. Razgovaralo se o mogućnostima Vlade TK da pomogne u rješavanju nagomilanih problema, tražila su se rješenja za prevazilaženje teške situacije. U konačnici, izraženo je zadovoljstvo organizovanjem ovakvog skupa i želje da se uspostavi kvalitetnija komunikacija između predstavnika vlasti i poslodavaca a sve u cilju stvaranja povoljnijeg poslovnog ambijenta i afirmacije privrednih subjekata i poduzetnika. Predstavljena je na ovom skupu i web stranica Udruženja poslodavaca Gračanice.



Udruženje za energetiku, rudarstvo i industriju...

“RUDARSKE ŠTETE I PRIJEDLOZI RJEŠENJA”

- Održana redovna sjednica Odbora udruženja za energetiku, rudarstvo i industriju Kantonalne privredne komore Tuzla -



U okviru redovnih aktivnosti Udruženja za energetiku, rudarstvo i industriju Kantonalne privredne komore Tuzla, održana je i sjednica Odbora. Tema skupa bila je “Rudarske štete i prijedlozi rješenja”. Zanimljivost i aktuelnost teme učinili su da sjednici prisustvuju svi članovi Odbora i da svi aktivno učestvuju u diskusiji. Nakon uvodnih napomena Nurudina Žunića sekretara Udruženja i Kazafera Bečića predsjednik Odbora Udruženja za energetiku, rudarstvo i industriju Kantonalne privredne komore Tuzla uslijedilo je izlaganje dr Sabita Zekana na temu „Rudarske štete i prijedlozi rješenja”. Profesor Zekan je vrlo koncizno obrazložio glavne aspekte problematike rudarskih šteta i mogućih rješenja, nakon čega je uslijedila veoma zanimljiva diskusija koja je ponudila veoma zanimljive zaključke. Između ostalog, zaključak članova Odbora je da se treba početi rješavati problem remedijacije ili barem tehničke rekultivacije više od 4400 ha površina na TK koje su devastirane rudarskim aktivnostima. S tim u vezi, prijedlog je da sve zainteresirane strane, svi nivoi nadležnih vlasti u saradnji sa predstavnicima lokalnih zajednica, pokrenu izradu “Strategije remedijacije odnosno rekultivacije prostora na TK devastiranih rudarskim aktivnostima”.

“Na ovom veoma značajnom skupu iz oblasti rudarstva, značajnom i po temi i po sudionicima, zaključili smo da je potrebno da nadležne vlasti dorade ili definišu novu zakonsku regulativu posebno s aspektom na nadležnosti u procesu izrade urbanističko-tehničke dokumentacije na prostorima na kojima je okončana eksploatacija. Također, potrebno je da nadležne vlasti dorade ili definišu novu zakonsku regulativu posebno s aspektom na važeća eksploataciona polja kako bi se na istima efikasno spriječila nelegalna gradnja. Članovi Odbora ovog komorskog Udruženja su stava da nadležne vlasti trebaju uspostaviti katastar degradiranih prostora na području Tuzlanskog kantona”, rekao je Nurudin Žunić sekretar Udruženja. Na kraju, članovi Odbora Udruženja za energetiku, rudarstvo i industriju Kantonalne privredne komore Tuzla su sastanak na temu “Rudarske štete i prijedlozi rješenja”, okončali zaključkom kako je neophodno da nadležne vlasti, rudnici, lokalna zajednica, NVO sektor i svi zainteresirani, kontinuirano rade na ujednačavanju postupaka i procesa rješavanja rudarskih šteta.

D.K.



Međunarodni aerodrom Tuzla...

NOVE AVIONSKE LINIJE SA TUZLANSKOG AERODROMA

- Od 31. maja za Malme, od 15 juna za Basel, od 17.juna za Geteborg -



Od 31. maja putnici će moći avionom po relativno niskoj cijeni putovati iz Tuzle u Malmo (Švedska). Wizz Air, kao najveći niskotarifni avioprijevoznik u Centralnoj i Istočnoj Europi objavio je početak ovih letova prema Bosni i Hercegovini, otvarajući novu rutu iz Tuzle za Malmo. Letovi će biti organizirani dva puta sedmično, ponedjeljkom i petkom, a Wizz Air očekuje da preveze preko 30. 000 putnika u prvih 12 mjeseci. Poslujući na način prijenosa operativnog uspjeha na klijente i to u vidu niskih cijena karata, Wizz Air je objavio da će najniža cijena karte na ovoj ruti biti već od 54,00 KM. Dodavajući Bosnu i Hercegovinu rastućoj mreži ruta, Wizz Air sada operira preko 260 ruta, u 31 državi i pruža sigurnost zračnih operacija milionima svojih putnika, veoma niske cijene i prijateljski odnos pružanja usluga svojim klijentima. Već od juna svi zainteresirani će sa Tuzlanskog aerodroma, osim za Malmo u Švedskoj, moći letjeti i za Basel u Švicarskoj. Naime, Wizz Air je, otvarajući novu rutu iz Tuzle za Basel, objavio uspostavljanje druge linije preko Međunarodnog Aerodroma Tuzla čiji je prvi let zakazan za 15. juni 2013 godine. Novi letovi iz Tuzle za Basel su rezultat pozitivnog odziva od strane korisnika iz Bosne i Hercegovine, koji su, pristupajući internetskoj stranici Wizz Aira i kupovinom jeftinih karata, pozdravili dolazak ove aviokompanije u Bosni i Hercegovinu. **„Zahvaljujući Wizz Airu, smatramo da će šira regija profitirati u oblasti privrede i turizma zahvaljujući uspostavljenim linijama prema Švedskoj i Švicarskoj. Presretni smo vidjeti odaziv tržišta Bosne i Hercegovine i očekujemo prevesti preko 60,000 putnika preko aerodroma Tuzla u prvoj godini operacija. Nadamo se da će uspostavljene linije prema Švedskoj i Švicarskoj pomoći razvoju privrede i turizma, te otvaranju neophodnih novih radnih mjesta.”**, rekao je ovm prilikom Daniel de Carvalho, Direktor Korporativnih Komunikacija WIZZAIR-a. Letovi za Basel su planirani dva puta sedmično, utorkom i subotom, a cijena karte u jednom smjeru uključujući takse i trošak rezervacije iznosi 27,99 €.

„Ovakvo brzo otvaranje i druge avio – linije sa Međunarodnog aerodroma Tuzla pokazuje da smo potencijal aerodroma dobro procijenili i valorizovali, te da smo u saradnji sa upravom Aerodroma poduzeli prave korake ka revitalizaciji aerodroma. Nakon uspostave ovih letova, očekujemo da ćemo u narednom periodu dogovoriti i otvaranje avio linija na druge destinacije, kao i dodatne aktivnosti na razvoju kargo saobraćaja, čime bi smo dali dodatni doprinos razvoju privrednih potencijala Tuzlanskog kantona” riječi su ministra trgovine, turizma i saobraćaja Senaida Hadžića. Ovo je veoma uzbudljiva sedmica za aerodrom Tuzla i tim povodom Generalni direktor aerodroma Tuzla Ever Jukanović ističe da **“Aerodrom u Wizz Airu vidi jakog partnera za razvoj saobraćaja i otvaranje novih radnih mjesta. Međunarodni Aerodrom Tuzla pozdravlja otvaranje dvije međunarodne jeftine destinacije za Malmo i Bazel posebno zbog potencijalnog razvoja turizma naše regije”**, saopćili su iz Odjeljenja za informisanje Vlade Tuzlanskog kantona. Wizz Air je objavio uspostavljanje dodatnih letova na relaciji iz Tuzle i za Geteborg koji, zajedno sa prethodno objavljenim, povećavaju kapacitete na preko 100,000 jeftinih sjedišta godišnje. Novi letovi iz Tuzle za Geteborg počinju od 17 juna, dva puta sedmično, ponedjeljkom i petkom. Također, odgovarajući na veliki odaziv korisnika usluga, Wizz Air je dodao još jedan, treći sedmični let u ponudi za Malmo u Švedskoj. Bosna i Hercegovina je sada, uz ponudu niskih cijena karata, spojena sa Švedskom i Švicarskom preko tri direktne međunarodne linije. Kapaciteti dostupni na letovima iz Tuzle za Geteborg su u prodaji na web stranici kompanije Wizz Air (www.wizzair.com) po cijeni već od 29.99 Eura u jednom smjeru u što su uračunate i takse. Sada će se sa MAT-a letjeti za Malme: ponedjeljkom, srijedom i petkom od 19 sati i 50 minuta za 29,99 eura počev od 31. maja, za Basel utorkom i subotom od 19 sati i 45 minuta po cijeni od 19,99 eura počev od 15. juna i za Geteborg ponedjeljkom i petkom od 12 sati i 45 minuta po cijeni od 29,99 eura počev od 17. juna.

D.K.



Predstavljamo nove članice...

"MONTINGENERGETIKA" DOO TUZLA

- Montingenergetika se širi na svjetska tržišta i najavljuje tužbe -



Kompaniji Montinenergetika bile su potrebne samo nekoliko godina da na evropskom tržištu zauzme vodeće mjesto u oblasti montaže konstruiranja, instaliranja, održavanja i revitalizacije industrijskih i energetskih postrojenja. Osnovana 2008. godine, sa središtem grupacije u Tuzli, a sastoji se od šest kompanija koje se nalaze u Srbiji, BiH, Makedoniji, Hrvatskoj, Njemačkoj, Sloveniji i jedne poslovne jedinice u Finskoj. Između ostalog, u okviru grupacije je i radna jedinica Zavod za Zavarivanje i kontrolu kvaliteta i radne jedinice u Loparama (proizvodna hala), piše o ovom tuzlanskom privrednom subjektu privredni portal eKapija.ba. **"Glavne karakteristike naše korporativne filozofije su fleksibilnost i visoka radna**

spособnost za izvršenje preuzetih zadataka. Fokusirani smo uvijek na projekt i stremimo visokoj razini izvedbe datih projekata. Ključ našeg uspjeha je kvalitet odabranih radnika (radnici sa dugogodišnjim iskustvom), te njihova tehnička osposobljenost", ističe u razgovoru za portal eKapija.ba Jelena Jusić marketing manager ove kompanije. Trenutni projekat i dosada najobimniji posao za Montingenergetika Group je rad na instalaciji cjevovoda i montaža sigurnosnih zgrada pri reaktoru Nuklearne elektrane Olkiluoto u gradu Pori u Finskoj. Prema riječima Jelene Jusić projekat je u završnoj fazi, a završetak radova očekuje se u narednih 2 godine. Osim rada na ovom projektu, Montingenergetika Group trenutno



je angažovana na izradi novog pogona u hemijskoj industriji TDI u Njemačkoj, zatim na remontu rafinerije i izrade novog pogona w20 (cital) za proizvodnju kemijskih aroma BASF, te remontu i modernizaciji cijevnog sistema turboagregata bloka 6, odnosno zavarivanju na remontu i modernizaciji kotla bloka Termoelektrane Tuzla.

• **Nelojalna konkurencija**

Od svog osnivanja u oblasti montaže i održavanja industrijskih i energetskih postrojenja, Montingenergetika d.o.o Tuzla ostvarila je značajne rezultate. Međutim, u posljednje vrijeme susreće se sa lošim primjerima nelojalne konkurencije, izuzetno nepovoljnim uvjetima na domaćem tržištu, te sa nepravilnostima u selekciji i odabiru najpovoljnijih ponuđača za izvođenje radova u okviru svoje djelatnosti. Ipak, i pored toga, dokazala je svoju kvalitetu i kompetentnost neprekidnim rastom i djelovanjem na domaćem, sa posebnim naglaskom na inostranom tržištu gdje ne postoje navedeni problemi. Za primjer nelojalne konkurencije navode kompaniju Rotex Brčko i njenog direktora Momčila Simikića koji je svoj rad otpočeo kao rezultat kontakata i povjerenja koje je stekao dok je radio kao project manager za jednu kompaniju. "Gospodin Simikić tada je bio zaposlen u Montingenergetika Group u Finskoj na poslovima pripreme predfabrikacije cjevovoda, te nikada nije radio kao project manager. Dotični gospodin je takođe za vrijeme dok je bio zaposlen u kompaniji Montingenergetika Group osnovao svoju firmu, koja je u svom opisu djelatnosti identična Montingenergetika Group, bukvalno prilagodivši opis djelatnosti na web stranici u nazivu firme Rotex Group, a sve to dok je bio evidentiran na bolovanju, što predstavlja ozbiljan sukob interesa. Montingenergetika najavljuje tužbu za ovaj slučaj", ističe naša sagovornica. Navodeći značajne projekte koje je firma navodno realizirala, Jusić kaže da se direktor Rotexa poslužio se referencama koje je stekla Montingenergetika Group. **"S obzirom da je navedena firma osnova-**

na prije otprilike godinu dana, ostale reference i projekti koje navodi su takođe upitni. Postoje i neke firme za koje apsolutno nije jasno na koje načine dobijaju poslove na domaćem tržištu, jer ne posjeduju tražene licence, kao ni kapacitete te nedovoljno osposobljenog kadra da bi uopće mogli konkurisati na tim poslovima, a kamoli kvalitetno završiti iste. Konkretan primjer je i firma Nital iz Zenice, koja dobija poslove putem javnih nabavki iako ima samo 5 zaposlenih, od toga 3 direktora. Zatim firma Remontmontaža iz Tuzle, koja je zbog svoje nesolventnosti i nelikvidnosti osnovala firmu IRM, te preko te firme obavlja djelatnosti i izlazi na tendere, odnosno IRM koristi tuđe refernce i licence", zaključuje Jusić.



• **Zaključeno 70 % ugovora**

Uz sve poteškoće sa kojima se svakodnevno susreće, Montingenergetika Group konstantno drži korak sa svim izazovima na tržištu nudeći samo izuzetan kvalitet, pouzdanost i odgovornost kao poslovni partner. Čak ni ekonomska kriza nije utjecala na poslovnu strategiju Monting Energetike, te je za ovu godinu već zaključeno 70 % ugovora, dok se poslovi i ugovori za narednu godinu dogovaraju sada. Za naredni period kompanija Montingenergetika planira se proširiti na tržišta zemalja Golfskog zaljeva (UAE, Katar, Saudijska Arabija), Rusije, Skandinavskih zemalja te Kanade (Alberto - u završnoj fazi pregovora).



Predstavljamo nove članice...

"RELAX TOURS" SARAJEVO PJ TUZLA

- Za 25 godina postojanja poslovnica u Tuzli -



Turistička agencija "Relax Tours" iz Sarajeva obilježava 25 godina postojanja i uspješnog rada. Agencija koja se može pohvaliti tradicijom obavljanja turističke djelatnosti na visokoj profesionalnoj razini, o čemu svjedoče brojni zadovoljni klijenti koji svoje povjerenje niz godina ukazuju upravo ovoj turističkoj agenciji. U povodu obilježavanja 25. rođendana, napravljen je novi iskorak i poslovnica u Sarajevu menadžent je odlučio pridružiti i novu poslovnu jedinicu, ukupno četvrtu, sada i u Tuzli. Fatima Jašarević direktorica ove agencije je kao dugogodišnji turistički radnik upoznata i sa značajem komorskog sistema, i odmah po dolasku u Tuzlu, poslovnu jedinicu učlanila u Komoru. "Počeli smo sada već davne 1988. godine u jednoj maloj poslovnici u Sarajevu kao prva privatna turistička agencija u Bosni i Hercegovini. Odmah smo ponudili jedan potpuno novi koncept usluge i tako smo od početka postali prepoznatljivi. Ponudili smo kompletan paket aranžman sa smještajem, avionskom kartom, transferima, itd – sa samo jednom rezervacijom, što do tada nije bio slučaj kod nas. To je bio početak jedne nove ere, ere gdje su daleka putovanja postala pristupačna običnom čovjeku. Danas nam je, kao najvećoj turističkoj agenciji u BiH, cilj da ponudimo i obezbijedimo najširi mogući spektar turističkih usluga za individualce, porodice, poslovne ljude i grupe (kako za „incoming“ tako i za „outgoing“ turizam) s povoljnim cijenama koje su pristupačne svim budžetima. Opremljeni smo i sposobni da klijente-

li, čija su očekivanja sve profinjenija i zahtjevnija, pružimo nivo usluge koji očekuju i zaslužuju", izjavila je direktorica Jašarević za Komorski informator. Kvalitet i profesionalnost ne mogu ostati neprimijećeni pa nisu izostale ni nagrade za rad i trud. Stigle su brojne nagrade i priznanja a izdvajaju u ovoj agenciji koja „Travel Oscar“ iz 2002. i „Menadžer godine“, priznanje zasluženno 2008. godine. Tuzlanska je 4. poslovnica, donosi nove obaveze i sigurno nova očekivanja ali i predstavlja olaškice za klijente za tuzlanskog područja. "Tržište za putnike sa područja Tuzle i Tuzlanskog kantona bogatije je za širok spektar turističkih usluga. Otvaranje poslovnice u Tuzli je od velikog značaja, jer smo sada još bliže svojim mnogobrojnim klijentima i partnerima iz Tuzle, sa kojima Relax tours uspješno saraduje već niz godina", ističe direktorica Farima Jašarević. važno je pomenuti da je "Relax Tours" članica smo IATA-e (International Air Transport Association Nr: 74 3 20 18 6) te da koristi globalni rezervacijski sistem Amadeus. Uposlenici u svim poslovnim jedinicama govore Engleski, Njemački, Talijanski i Švedski jezik. "Relax Tours", kao vodeća turistička agencija u BiH, ima specijalne ugovore sa vodećim svjetskim kompanijama i institucijama kao što su: TUI Group, Regent, Central School of English, EC and Study Group. Relax Tours je njihov izabrani partner za područje BiH.

D.K.



Sajam organskih proizvođača...

SAJAM "EKO ETNO" BIH U GRADAČCU

- Više od 70 učesnika – Značajnija podrška svih nivoa vlasti -



Savez udruga "Mreža žena veliko srce u BiH" i Udruženja organskih proizvođača "Eko-etno BiH" organizovali su u Gradačcu 3. sajam organskih proizvođača. Ove godine, na sajmu je učestvovalo i svoje proizvode izlagalo više od 70 proizvođača organske hrane iz BiH. Glavna koordinatorica Saveza udruga "Mreža žena veliko srce u BiH" Halida Jahić kazala je da iza Udruženja koje je formirano prije deset godina, na stotine uspješno realiziranih projekata, a među njima i gradačaćki Sajam organskih proizvođača. Profesor Dževad Jarebica kazao je kako Bosna i Hercegovina raspolaže bogatstvom koje druge zemlje nemaju i da to treba pametno iskoristiti. **"Možemo biti potpuno sretni što još iz zemlje izvlačimo hranu na kojoj nema nikakvih dodataka koji su atak na zdravlje i život ljudi"**, istaknuo je prof. Jarebica. Načelnik Edis Dervišagić je istakao kako je ovaj Sajam prilika za promociju organske hrane, a isto tako i da se educiraju građani o važnosti i načinu njene proizvodnje. **"Očekujem od Vlade FBiH i Vlade TK te resornih ministarstava, da prepoznaju kvalitetne ideje i projekte i da podstiču organsku proizvodnju. U ime Općine Gradačac najavljujem da će se Općinskim budžetom u narednoj godini mnogo značajnije podržati**

Sajam", izjavio je načelnik Dervišagić. Savjetnik ministra za poljoprivredu u vladi Federacije BiH Suad Čamdžić kazao je kako organska proizvodnja dobija sve više na značaju te da će imati punu potporu resornog federalnog ministarstva. **"Organska proizvodnja značajna je za nas, našu djecu, za naš opstanak i za naše gospodarstvo. Federalno ministarstvo bit će na raspolaganju vama i svim drugim poljoprivrednim proizvođačima u BiH da zajedno pospiješimo proizvodnju, da se vratimo zemlji i domaćim proizvodima i da zajedno idemo naprijed"**, kazao je Čamdžić, dodajući da ministarstvo želi da se saradnja nastavi i u buduću. **"U tom smislu smo ovdje zajedno sa proizvođačima u cilju da pronađemo rješenje za veću podršku domaćoj proizvodnji. Danas su sa nama i predstavnici turske kompanije zainteresovane za ulaganja u poljoprivrednu proizvodnju, ne samo u TK nego i u FBiH"**, rekao je Čamdžić. Na gradačaćkom sajmuje upriličeno i niz stručnih predavanja i okruglih stolova vezanih za organsku proizvodnju hrane.

D.K.

Sajam u Mostaru...

16. MEĐUNARODNI SAJAM GOSPODARSTVA

- Izložbeni prostor TA "Golden tours" Tuzla jedan od najposjećenijih -



TA "Golden Tours" Tuzla nastupio je samostalno na "16. međunarodnom sajmu gospodarstva" koji je održan u Mostaru. Originalna postavka, raspoloženo i profesionalno osoblje uz atraktivne nastupe plesačica te kvalitetna turistička ponuda, učinili su da ovaj izložbeni prostor bude jedan od najposjećenijih tokom cijelog sajma. Pored "Golden toursa", sa naše regije, na ovoj značajnoj sajamskoj manifestaciji nastupili su još i "Voćar" G. Rahić te "Eko hrana Jukan" Gračanica. Na sajmu se predstavilo oko 800 izlagača iz 35 zemalja svijeta. Svečano je bilo na otvaranju sajma. Svečanosti su prisustvovali brojni privrednici, izlagači, gosti te predstavnici vlasti iz BiH, Srbije, Hrvatske, Crne Gore te posebni predstavnik EU-a u BiH Peter Sorensen koji je u ime partnera ovogodišnjeg sajma Europske unije otvorio Međunarodni sajam gospodarstva "Mostar 2013". Pored njega, obratili su se još i direktorica Mostarskog sajma Delfina Bošnjak, predsjedavajući Vijeća ministara Vjekoslav Bevanda, te predsjednici vlada Crne Gore, Srbije i Hrvatske, Milo Đukanović, Ivica Dačić i Zoran Milanović. Ove godine na 30 hiljada kvadratnih metara izložbene površine, na sajmu su predstavljene sve grane industrije od građevinske, drvne, autoindustrije, bankarstva, prehrambene industrije do svijeta telekomunikacija, medija, horticulture i dr. Opću sajamsku izložbu, pratile su i tradicionalne podsajamske manifestacije Sajam turizma, Sajam knjige i grafičke industrije i od ove godine prvi put Sajam Informacijskih Tehnologija.

Tokom pet dana sajmovanja, održano je niz iznimno posjećenih i značajnih konferencija, stručnih skupova, sastanaka gospodarskih asocijacija iz oblasti malog i srednjeg poduzetništva, obrta, marketinga i prometa. U fokusu su bile konferencije/radionice: "Implikacije ulaska Hrvatske u Europsku uniju po BiH i "Izazovi i perspektive EU financiranja u kontekstu razvoja malih i srednjih poduzeća u BiH", u organizaciji Izaslanstva EU-a i Mostarskog sajma. Upravo su "europske" teme dominirale konferencijskim dijelom sajma. Mostarski sajam obilježio je i dolazak visokih izaslanstva iz zemalja Regije, a četiri premijera (Crne Gore, R Hrvatske, R Srbije i BiH), s govornice sajma poslali su jasne poruke o potrebi jačanja gospodarske i političke suradnje između susjednih država. Na Mostarskom sajmu dogovoreni su i izravni letovi iz Moskve za Sarajevo i Mostar, ali i skopljeno na desetine poslovnih dogovora. Zbivanja s ovogodišnjem sajmu pratilo je rekordnih 300 akreditiranih novinara iz cijeloga svijeta. Na službenoj ceremoniji zatvaranja prigodnim riječima obratio se nj. e. Peter Sorensen, posebni predstavnik EU-a u BiH, ovogodišnjeg partnera sajma. Sajam je na službenoj ceremoniji prigodnim riječima zatvorio nj. e. Peter Sorensen posebni predstavnik EU-a u BiH. Prema riječima organizatora, 16. po redu sajam u Mostaru je u potpunosti opravdao sva očekivanja a za narednu godinu, najavljuje se bolji i sadržaniji sajam na čijoj se organizaciji već počelo raditi.

D.K.



Sajamske aktivnosti...

SAJAM TURIZMA BIJELJINA – "GRAPOS-EXPO 2013" GRAČANICA

- Aktivnosti učenika Srednje stručne škole iz Janje – Nastup Privrede TK na sajmovima u Bijeljini i Gračanici -



U Etno selu Stanišići a u organizaciji Turističke organizacije grada Bijeljina te u saradnji sa Privrednom komorom Republike Srpske, Područna privredna komora Bijeljina, održan je tradicionalni Sajam turizma i gastrokulture. Ove godine, sajam u Bijeljini je održan pod sloganom „Posna trpeza slavska“. U odnosu na prošlu godinu kada je na sajmu učestvovalo 90 izlagača, ovogodišnji sajam je mnogo veći. Na oko 2000 m² izložbenog prostora predstavile su se turističke agencije, turističke organizacije, hoteli, moteli, restorani, proizvođači zdrave hrane i suvenira, te pčelari. Na sajmu je učestvovalo između 120 i 150 izlagača iz BiH, Srbije, Hrvatske, Slovenije, Makedonije, Crne Gore, Rusije, Bugarske, Grčke, Mađarske te Abhazije. Svim učesnicima omogućen je besplatan izložbeni prostor, a tokom dva dana sajma u Bijeljini, hotelijeri su snizili cijene smještaja, tako da su u većini hotela i motela izlagači ostvarili sajamski popust. Sajam je održan u Etno selu Stanišići koje je postalo turistički brend Bijeljine. Izložbeni prostori su izlagačima ustupljeni besplatno, a za učesnike manifestacije obezbijeđen je smještaj sa popustom i do 50 odsto, što svakako predstavlja primjer kvalitetne organizacije jedne sajamske manifestacije. Veliki broj medijskih kuća tokom pratio je i izvještavao o svim sajamskim dešavanjima, a zahvaljujući tome omogućena je veća promocija turističkih destinacija i regija širem auditoriju. Zanimljivost sajma je i to da su učenici Srednje stručne škole iz Janje bili promotori na sajamskim štandovima, a u okviru školske prakse radili su na pripremi propagandnog materijala i na promociji sajma u kontaktima sa vršnjacima srodnih zanimanja u svijetu.

• "Grapos-expo 2013"

Međunarodni sajam poduzetništva i obrta, "Grapos-expo 2013" održan je krajem aprila u Gračanici. Bio je to četvrti po redu, još jedan veoma uspješan, Međunarodni sajam poduzetništva i obrta "Grapos-expo" u Gračanici, čiju organizaciju potpisuje fir-

ma "Boms-expo" i Općina Gračanica. Ove godine zemlja partner Sajma bila je Francuska. Generalni sponzor bila je gračanička firma "Kovan", a pokrovitelji su bili Vlada FBiH i Vlada TK. Cilj sajma je i ove godine bio da promoviše i afirmiše privredu BiH i privredu okruženja. Organizatori nisu krili zadovoljstvo činjenicom da je ovogodišnji sajam na 5.100 m² zatvorenog i 14.900 m² otvorenog prostora okupio 276 izlagača iz zemlje, regije, ali i Francuske. Zabilježena je i zadovoljavajuća posjeta sajamskim prostorima, negdje oko 20.000 posjetilaca.



• Privreda TK u Bijeljini i Gračanici

Kantonalna privredna komora Tuzla je zahvaljujući do broj saradnji sa Privrednom komorom Republike Srpske, Područna privredna komora Bijeljina te sa firmom "BOMS-expo" obezbijedila prostor za predstavljanje firmi članica Komore. Privredu TK na sajmovima u Bijeljini i Gračanici predstavljali su "Borplastika Eko" doo Tuzla, "Corn Flips" Srebrenik, "Fana" doo Srebrenik, "Gradačački sajam" doo Gradačac, "Helios" dd Banovići - Industrija domoopreme, "Herceg" doo Srebrenik, "Imel" doo Lukavac, "Indira" doo Gradačac, "Intersenko" doo Gradačac, Menprom" doo Gornja Tuzla, "Meraklija" - Destilacija MN Seona Srebrenik, "Naturprodukt" doo Gradačac, "Omega" doo Živinice, "Piemonte" doo Tuzla, "Pivara" dd Tuzla, "Prerada i promet mlijeka" Tuzla, "PRO PAK" doo Tuzla, "Relax tours" Sarajevo PJ Tuzla, "Seif" doo Kalesija, "Solana" dd Tuzla, Općina Tuzla, Savez udruženja Mreža žena - Veliko srce u BiH, OPG "Veselići" Špionica, Turistička zajednica Tuzlanskog kantona, "Tehnopak" Tuzla, Udruženje žena poljoprivrednih proizvođača "Agro Vražići", "Veda" - "Porta Naturae" doo Srebrenik, "Voćni rasadnik" doo Srebrenik, Vlada Tuzlanskog kantona. Organizator zajedničke postavke Privrede Tuzlanskog kantona je Kantonalna privredna komora Tuzla.

Intersenko i relax



voćni rasadnik
srebrarenik

Magistralni put bb, 75356 Špionica

Tel: ++38735/369 789

Fax: ++38735/369 785

Direktor ++38735/369 788

Komercijala ++38735/369 790

Proizvodnja: ++38735/369 790

ID 4209161250008

Mjesto registracije: Općinski sud Tuzla

Web: www.vocnirasadnik.com.ba

E-mail: vocni.rasadnik@bih.net.ba



Djelatnost: Proizvodnja i prodaja voća i sadnog materijala





Porodičnim ruralnim domovima...

POSJETA MFR-u U FRANCUSKOJ

- Posjeta rezultat dvogodišnje saradnje Komore i Udruženja „Mir Sada“ iz Francuske -



Predsjednik Kantonalne privredne komore Tuzla Nedret Kikanović i sekretar Udruženja za poljoprivredu i prehrambenu industriju Suad Selimović, predvodili su delegaciju u posjeti Porodičnim ruralnim domovima u francuskoj Ron-Alp oblasti, početkom aprila ove godine. Delegaciju su činili predsjedavajući općinskog vijeća Živinice gosp. Began Muhić, savjetnik načelnika za poljoprivredu u općini Živinice Mirsad Butković i članovi Udruženja proizvođača povrća „Toplice“ iz Živinica, Salko Bešić predsjednik Udruženja te članovi Upravnog odbora Udruženja Sefer Nurkić, Nevres Đananović i Lejla Bešić članica Udruženja. Posjeta Porodičnim ruralnim domovima u francuskoj Ron-Alp oblasti rezultat je dvogodišnje saradnje Kantonalne privredne komore Tuzla sa Udruženjem građana „Mir Sada“ iz Francuske, koje je u proteklih pet godina radilo na realizaciji projekta francuske vlade na podršci naših građana povratnika iz Francuske koji nisu dobili vizu za rad ili duži boravak u Francuskoj. Porodični ruralni domovi (MFR) u Francuskoj su nosioci obrazovanja omladine i odraslih po konceptu naizmjenične pedagogije, koji se razvija još od 1935. godine kada je uspostavljen prvi Ruralni porodični dom, za praktično obrazovanje u poljoprivrednoj proizvodnji, u Ron-Alp regiji. U Francuskoj danas radi preko hiljadu Porodičnih ruralnih domova (MFR) kojim upravljaju udruženja porodica koji imaju djecu na školovanju u MFR ili su njihova djeca bili učenici MFR-a. Danas ima dosta slučajeva da su i roditelji djece koja da-

nas pohađaju školu u MFR-u bili učenici MFR-a. Posjeta je imala za cilj da upoznamo koncept naizmjenične pedagogije i značaj obrazovanja u MFR-u Francuske. Ovaj koncept obrazovanja je prevazišao granice Francuske tako da danas funkcioniše u 48 zemalja širom svijeta.



Delegacija je posjetila MFR u općini Montluel, u regiji Ron-Alp, gdje su članovi delegacije imali priliku razgovarati sa učenicima, nastavnicima, porodicama koje upravljaju MFR-om a takođe i u posjeti poljoprivrednim imanjima, prerađivačkim pogonima i trgovinama gdje učenici borave na praksi svake druge sedmice nakon teoretskih predavanja. Programom aktivnosti je planirana i posjeta Privrednoj industrijskoj komori, Poljoprivrednoj komori i Obrtničkoj-zanatskoj komori, koje snažno podupiru i pomažu rad MFR-ova za obrazovanje omladine i odraslih praktičnim zanimanjima. Zaključak posjete je da delegacija koja je boravila u Francuskoj zajednički napravi draft projekta uspostave jednog Porodičnog ruralnog doma na području TK-a odnosno u Općini Živinice. Savez porodičnih ruralnih domova u Ron-Alp regiji na čelu sa predsjednikom Pijerom Pivotskim je spreman pomoći u realizaciji ovog projekta na području TK-a, sa uspostavom koncepta učenja naizmjenične pedagogije a isto tako i u drugim vidovima pomoći na uspostavi prvog MFR-a u BiH.

Pripremio: Suad Selimović



Novi projekat Komore...

POSLOVNO- PRIVREDNI REGISTAR KANTONALNE PRIVREDNE KOMORE TUZLA


- Poziv firmama da dostave podatke za novi registar -

Kantonalna privredna komora Tuzla uz tehničku podršku firme "Miavision" doo Tuzla, izrađuje Poslovno-privredni registar Tuzlanskog kantona, koji će biti objavljen na internet stranici www.kpktz.ba i biće dostupan svima. Cilj projekta je da se na jednom mjestu objedine sve informacije vezane za poslovno – privredne subjekte koji djeluju na području Tuzlanskog kantona. Registar trenutno raspolaže osnovnim informacijama: naziv, adresa, šifra i opis djelatnosti prema klasifikaciji djelatnosti BiH, kontakt osobu i broj telefona. Kako bi registar bio kompletniji, mole se sve firme da dostave sljedeće podatke: - kratak opis (primarna djelatnost, maksimalno 500 znakova) - broj uposlenih - web stranicu - e-mail adresu - logo (min.dimenzija 200px širine)- jedna fotografija (dimenzija minimalno 200x150 ili većih dimenzija). Tražene podatke možete poslati na e-mail edina@kpktz.ba. Za sva dodatna pitanja, kontaktirajte nas putem e-mail ili na broj telefona 035/258-260. Kontakt osoba Edina Kurtić.

Nove nagrade kvalitetu...

"FANI" MEDALJE U NOVOM SADU

- I ove godine medalje za kvalitet proizvoda iz "Fane"-



"Fana" Srebrenik firma za prerađivanje voća i povrća, članica Kantonalne privredne komore Tuzla, i ove je godine poslala svoje proizvode na ocjenu kvaliteta, sastavni dio predstojećeg "80. međunarodnog poljoprivrednog sajma u Novom Sadu. Stručna komisija svake godine po tradici-

ji na nešto više od mjesec pred početak ove možda i najznačajnije sajamske manifestacije u širem regionu kada je u pitanju poljoprivreda, obavi ocjenu kvaliteta proizvoda pristiglih na takmičenje. Među mnogobrojnom konkurencijom "Fana" Srebrenik je osvojila zlatnu i veliku zlatnu medalju za svoje proizvode: Marmelada marelica i Miješana marmelada. "Ove medalje su dokaz kvalitete naših proizvoda i podstrek da i u budućnosti ulazemo u proizvodnju i poslovanje a sve u cilju zadovoljstva naših potrošača". izjavio je Nazif Džafić vlasnik firme "Fana" Srebrenik.

Izdavanje ATA karneta

PRVI OBRAČUNSKI PERIOD U 2013. GODINI

Nastavlja se izdavanje ATA karneta u Uredu Vanjskotrgovinske komore Bosne i Hercegovine u Tuzli pri Kantonalnoj privrednoj komori Tuzla. Podizanje dokumenata vrši se na mjestu gdje je zahtjev i podnesen. **"Kada su u pitanju izdati ATA karneti i dodatni listovi u periodu od 21. marta 2013. do 17. aprila 2013. godine kada je izvršen obračun, pristiglo je 30 zahtjeva. Od toga je bilo 14 zahtjeva za izdavanje ATA karneta i 16 zahtjeva za izdavanje dodatnih listova za ATA karnet. Od 14 zahtjeva za izdavanje ATA karneta 20 zahtjeva su podnijela fizička lica iz sljedećih opština: Tuzla, Bijeljina, Lukavac i Tešanj a 6 zahtjeva su podnijele firme iz Tuzle, Gradačca, Bijeljine i Živinica. 12 fizičkih lica podnijelo je zahtjev za izdavanje dodatnih listova a 4 zahtjeva stigla su ispred privrednih društava",** izjavila je Suada Rekić stručni saradnik u Uredu za pružanje informacija o ATA sistemu i izdavanje ATA karneta Vanjskotrgovinske komore u Tuzli. Sve dodatne informacije, kao i potrebne upute o ATA sistemu i obrasce, zainteresirani mogu pronaći na web stranici Vanjskotrgovinske komore BiH www.komorabih.ba ili direktno – na osnovu dole navedenih kontakt informacija kao i u Uredu Vanjskotrgovinske komore Bosne i Hercegovine u Tuzli pri Kantonalnoj privrednoj komori Tuzla - Trg slobode bb – 75000 Tuzla - Tel/fax. +387/35/258-266 i Fax:+387/35/258-271, Email: atatz@komorabih.ba - kontakt osoba: Suada Rekić.

• Nove članice Komore

U posljednjih mjesec-dva ponovo je zabilježen porast interesovanja za članstvo u Kantonalnoj privrednoj komori Tuzla, ulazak u porodicu velikog broja privrednih subjekata na području Tuzlanskog kantona. Evo novih članica:

- "Singularia" doo Tuzla
- Udruženje pčelara "Tuzla" Tuzla
- OPG " Veselčić" Špionica
- "Majeвица" dd Srebrenik
- "Earth Tec BH" doo Tuzla
- Remont i servis motornih vozila doo Tuzla
- "Relax tours" doo Sarajevo pj Tuzla
- "Agrolife" doo Gradačac
- "Montingenergetika" doo Tuzla

HERCEG

PVC i Al prozori i vrata

www.dooherceg.com

SREBRENİK

30

GODINA
TRADICIJE

1983-2013

HERCEG

Štedimo energiju,
čuvajmo okolinu!

TROCAL®

KÖMMERLING®



NLB Klik



Zbog Vas želimo biti još bolji!

Uz novo ime i nove pogodnosti. Od sada, izuzetno povoljna ponuda elektronskog, mobilnog i SMS bankarstva za fizička lica, uz jedinstvenu naknadu za sva tri servisa. Jača, stabilnija i sigurnija NLB Banka, Vama na usluzi 24 sata.

NLB  Banka
Znam raško.

www.nlb.ba

Kontakt centar: 035 259 259